

Начало изобразительных глаголи сице:

Старший: Молитвами святых отец наших, Господи, Иисусе Христе, Сыне Божий, помилуй нас.ⁱ

Чтец: Аминь.

Царю Небесный, Утешителю, Душе Истины, Иже везде Сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, Души наша.

Святой Боже, Святой Крепкий, Святой Бессмертный, помилуй нас. **Трижды.**

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. **Трижды.**

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Господи, помилуй, **12 раз.**

Слава Отцу, и Сыну, и Святому Духу, и ныне и присно, и во веки веков, аминь.

Приидите, поклонимся Цареве нашему Богу.

Приидите, поклонимся и припадем Христу, Цареву нашему Богу.
Приидите, поклонимся и припадем Самому Христу, Цареву и Богу
нашему.

Благослови, душе моя, Господа: благословен еси, Господи.

Псалом 102. Благослови душе моя Господа, и вся внутренняя моя имя святое Его. Благослови душе моя Господа, и не забывай всех воздаяний Его; Очищающего вся беззакония твоя, исцеляющего вся недуги твоя; Избавляющего от истления живот твой, венчающего тя милостию и щедротами; Исполняющего во благих желание твое: обновится яко орля юность твоя. Творяй милостыни Господь, и судьбу всем обидимым. Слова пути Своя Моисею, сыновом Израилевым хотения Своя; Щедр и милостив Господь, долготерпелив и многомилостив. Не до конца прогневается, ниже во век враждует; Не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боявшихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет; Яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа вся силы Его, слуги Его, творящии волю Его. Благословите Господа вся дела Его, на всяком месте владычества Его. Слава Отцу, и Сыну, и Святому Духу, и ныне и присно, и во веки веков, аминь.

Благослови, душе моя, Господа, и вся внутренняя моя имя святое
Его. Благословен еси, Господи.

Слава Отцу и Сыну и Святому Духу.

Псалом 145: Хвали, душе моя, Господа. Восхваляю Господа в животе моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его и возвратится в землю свою: в той день погибнут вся помышления его. Блажен, ему же Бог Иаковль помощник его, упование его на Господа Бога своего; Сотворшаго небо и землю, море и вся, яже в них; Хранящаго истину в век, творящаго суд обидимым, дающаго пищу алчущим. Господь решит

окованныя. Господь умудряет слепцы. Господь возводит низверженныя, Господь любит праведники. Господь хранит пришельцы, сира и вдову примет и путь грешных погубит. Воцарится Господь во век, Бог твой, Сионе, в род и род.

И ныне и присно и во веки веков. **А**минь.

Единородный Сыне, и Слове Божий, безсмертен Сый. И изволивый спасения нашего ради воплотится от Святыя Богородицы и Приснодевы Марии, непреложно Вочеловечивыйся. Распныйся же, Христе Боже, смертию смерть поправый. Един Сый Святыя Троицы, прославляемый Отцу и Святому Духу, спаси нас.

ТРЕТИЙ АНТИФОН, БЛАЖЕННЫ:

Хор: **Во Царствии Твоём помяни нас, Господи, егда приидеши, во Царствии Твоём.**

На 12: **Блажени нищии духом, яко тех есть Царство Небесное. Блажени плачущии, яко тии утешатся.**

На 10: **Блажени кратции, яко тии наследят землю.**

Воскресные, глас 1:

Тропарь: **Снедию изведе из рая враг Адама:/ Крестом же разбойника введе Христос вонь,/ помяни мя, зовуща,// егда приидеши во Царствии Твоём.**

Блажени алчущии и жаждущии правды, яко тии насытятся.

Тропарь: **Покланяюся страстем Твоим,/ славословлю и Воскресение со Адамом и разбойником,/ со гласом светлым вопию Ти:/ помяни мя Господи,// егда приидеши во Царствии Твоём.**

На 8: **Блажени милостивии, яко тии помиловани будут.**

Тропарь: **Распялся еси, безгрешне,/ и во гробе положился еси волею,/ но воскресл еси, яко Бог,/ совоздвигнувший Себе Адама,/ помяни мя, зовуща,// егда приидеши во Царствии**

Твоём.

Блажéни чýстии сёрдцем, я́ко тии Бóга úзрят.

Тропарь: Хра́м Твой телéсный триднёвным Воскресýвый погребéнием,/ со Ада́мом, и íже от Ада́ма, воскресíл есý, Христé Бóже:/ помяни́ нас, зовýщих,// егда́ прийдёши во Ца́рствии Твоём.

На 6 **Блажéни миротво́рцы, я́ко тии сы́нове Бóжии нареку́тся.**

Тропарь: Миронóсицы приидóша, пла́чуща,/ на гроб Твой Христé Бóже, зело́ ра́но:/ и в бéлых рíзах обретóша А́нгела седя́ща,/ что íщете; зовýща.// Воскрéсе Христóс, не рыда́йте прóчее.

Блажéни изгна́ни пра́вды ра́ди, я́ко тех есть Ца́рство Небéсное.

Тропарь: Апосто́ли Твой, Го́споди/ на го́ру, а́може повелéл есý им, пришéдше Спа́се,/ и Тя ви́девше, поклонíшася.// Íхже и послáл есý во язы́ки учíти и крестíти я́.

На 4: **Блажéни естé, егда́ понóсят вам, и изжену́т, и реку́т всяк зол глаго́л на вы, лжу́ще Мене́ ра́ди.**

Русских святых, глас 8:

Тропарь: Не мечём на́шим зéмлю на́шу насле́дихом,/ но десни́цею Твоёю и мýшцею Твоёю,/ и просвещéнием лица́ Твоего́,/ и святы́х Твои́х слезáми,/ по́двиги и по́ты,/ кровью́ и учéнии// отéчество на́ше утверди́ся.

Ра́дуйтесь и веселíтесь, я́ко мзда ва́ша мно́га на Небесéх.

Тропарь: Егда́ отступíхом от Тебе́/ и за́поведи Твоя́ преступíхом,/ тогда́ отрíнул есý ны и низложíл есý ны,/ и па́че всех язы́к

умáлихомся,/ но пощади́ нас, Бóже, Спаси́телю наш,// святы́х
Твои́х мольба́ми.

Слава Отцу и Сыну и Святому Духу.

Троицен: **О** Трóице Пребожéственная,/ уврачу́й болéзни и скóрби
на́ша,/ воздвигни дух наш от лéности и сна грехóвнаго,/ да
достóйни бóдем отéц и бра́тий на́ших,/ пóдвиги свои́ми// в
земли́ на́шей Ёмя Твое́ просла́вльших.

И ныне и присно и во веки веков. Аминь.

Богородичен: **Р**асточéнная соберí,/ отлучéнная возвратí,/
отпа́дшия от véры Правосла́вныя обратí,/ пла́чущия и
скорбя́щия утéши,/ земли́ на́шея подвигши́ся сокруше́ние
исцели́, Благода́тная,/ со святы́ми соóтчичи на́шими// Бóга о
нас умоля́ющи.

Хор: Приидите, поклонимся и припадем ко Христу. Спаси Сыне Божий,
воскресый из мертвых, поющая Ти: аллилуиа.

ТРОПАРЬ ВОСКРЕСНЫЙ, ГЛАС 1:

Хор: **К**áмени запечáтану от иудéй/ и вои́ном стрегу́щим Пречы́стое
Тéло Твое́,/ воскрeсл еси́ триднёвный, Спа́се,/ да́руяй ми́рови
жизнь./ Сего́ ра́ди Си́лы Небéсныя вопия́ху Ти, Жизнода́вче:/
сла́ва Воскрeсению́ Твоему́, Христé,/ сла́ва Цáрствию Твоему́,//
сла́ва смотре́нию Твоему́, еди́не Человеколю́бче.

ТРОПАРЬ РУССКИХ СВЯТЫХ, ГЛАС 8:

Якоже плод крáсный Твоего́ спаси́тельнаго се́яния,/ земля́
Русская прино́сит Ти, Го́споди, вся святы́я, в той просия́вшия./
Тех моли́твами в ми́ре глубóце// Цéрковь и страну́ на́шу
Богорóдицею соблюди́, Многоми́лостиве.

**Святой Боже, Святой Крепкий, Святой Безсмертный, помилуй
нас. (Трижды)**

Слава Отцу и Сыну и Святому Духу, и ныне и присно и во веки веков.
Аминь. Святой Безсмертный, помилуй нас.
Святой Боже, Святой Крепкий, Святой Бессмертный, помилуй нас.

ПРОКІМЕН ВОСКРЭСНЫЙ, ГЛАС 1:

Чтец: Прокімен, глас пёрвый: **Буди**, Гóсподи, мѣлость Твоя на нас,/ я́коже упова́хом на Тя.

Хор: **Буди**, Гóсподи, мѣлость Твоя на нас,/ я́коже упова́хом на Тя.

Чтец: **Ра́дуйтесь**, пра́веднии, о Гóсподе, пра́вым подобáет похвалá.

Хор: **Буди**, Гóсподи, мѣлость Твоя на нас,/ я́коже упова́хом на Тя.

ПРОКИМЕН РУССКИХ СВЯТЫХ, ГЛАС 4:

Чтец: Глас четвёртый: **Святы́м**, и́же суть на землі Егó,/ удиві́ Господь вся хотѣния Своя́ в них.

Хор: **Святы́м**, и́же суть на землі Егó,/ удиві́ Господь вся хотѣния Своя́ в них.

ЧТѢНИЕ АПОСТОЛА:

Чтец: **К** Рѣмляном послáния свята́го апóстола Пáвла чтѣние.

(Воскресное: Рим., зач.81 (от середины): гл.2, стт.10-16):

Чтец: **Бра́тие**, сла́ва и честь и мир вся́кому де́лающему благо́е, иудееви же прѣжде и е́ллину. Несть бо на лица́ зрѣния у Бóга. Ели́цы бо беззако́нно согреши́ша, беззако́нно и поги́бнут, и ели́цы в зако́не согреши́ша, зако́ном суд при́мут. Не слы́шателіе бо зако́на пра́ведни пред Бóгом, но творцы́ зако́на, сѣи оправд́ятся. Егда́ бо язы́цы, не иму́ще зако́на, естество́м зако́нная творя́т; сѣи, зако́на не иму́ще, са́ми себѣ суть зако́н. И́же явля́ют де́ло зако́нное напи́сано в сердца́х своих, спослушество́ующи им со́вести, и между́ собою помыслóм осужда́ющим или́ отвещáющим, в день, егда́ суж́дит Бог та́йная челове́ком, по благо́вѣстию моему́, Иису́сом Хри́стом

(Святых: Евр., зач.330: гл.11, ст.33-гл.12, ст.2):

Чтец: Братие, святїи вси вѣроу победїша царствїя, содѣяша правду, получїша обетованїя, заградїша уста львов, угасїша силу огненную, избегоша острея меча, возмогоша от немощи, бѣша крѣпцы во бранѣх, обратїша в бѣгство полкї чужїх. Прияша женѣ от воскресенїя мѣртвыя своя, инїи же избиени бѣша, не приѣмше избавленїя, да лучшее воскресенїе улучат, друзїи же руганїем и ранами искушенїе прияша, ещѣ же и уз и темниц. Камением побиени бѣша, претрѣни бѣша, искушени бѣша, убійством меча умроша, проидоша в мїлотех, и в козїях кожах, лишѣни, скорбѣюще, озлоблени. Ихже не бе достѣин [весь] мир, в пустынях скитающесе, и в горах, и в вертепах, и в пропастех земных. И сїи вси послушествовани бѣвше вѣроу, не прияша обетованїя, Богу лучшее что о нас предзрѣвшу, да не без нас совершенство приимут. Тѣмже убо и мы, толїк имуще облажащѣ нас облак свидѣтелей, гордость всяку отложше, и удобѣ обстоятельный грех, терпѣнїем да течѣм на подлежащїй нам подвїг, взирающе на начальника вѣры и совершїтеля Исуса.

Аллилуарїй воскресный, глас 1:

Чтец: Глас пѣрвый: Аллилуїя, аллилуїя, аллилуїя.

Хор: Аллилуїя, аллилуїя, аллилуїя.

Чтец: Бог даѣй отмщѣнїе мне, и покорївый люди под мя.

Хор: Аллилуїя, аллилуїя, аллилуїя.

Аллилуарїй святых, глас 4:

Чтец: Бже, ушїма нашими услѣшахом, и отцы наши возвестїша нам.

Хор: Аллилуїя, аллилуїя, аллилуїя.

Господи помилуй, *трижды*.

Старший: От Матфея святаго Евангелия чтение.

Хор: Слава Тебе, Господи, слава Тебе.

ЧТЕНИЕ ЕВАНГЕЛИЯ:

(Воскресное: Мф., зач.9: гл.4, стт.18-23):

Старший: Во время оно, ходя Иисус при мори Галилэйстем, виде два брата, Симона глаголемаго Петра, и Андрея брата его, вметающа мрежи в море, беста бо рыбаря. И глагола има: грядита по Мне, и сотворю вы ловца человеком. Она же абие оставльша мрежи, по Нем идоста. И прешед оттуду, виде ина два брата, Иакова Зеведеева, и Иоанна брата его, в корабли с Зеведеем отцем ею, завязующа мрежи своя, и воззва я. Она же абие оставльша корабль и отца своего, по нем идоста. И проходилаше всю Галилею Иисус, учя на сонмищах их и проповедая Евангелие Царствия, исцеляя всяк недуг и всяку язю в людех.

(Святых: Мф., зач.10: гл.4, ст.25-гл.5, ст.12):

Во время оно, по Иисусе идоша народи мнози от Галилеи и десяти град, и от Иерусалима и Иудеи, и со онаго полу Иордана. Узрев же народы, взиде на гору, и седшу Ему, приступиша к Немученицы Его. И отверз уста Своя, учаще их, глаголя: блажени нищии духом, яко тех есть Царствие Небесное. Блажени плачущии, яко тии утешатся. Блажени кротцыи, яко тии наследят землю. Блажени алчущии и жаждущии правды, яко тии насытятся. Блажени милостивии, яко тии помиловани будут. Блажени чистии сердцем, яко тии Бога узрят. Блажени миротворцы, яко тии сынове Божии нарекутся. Блажени изгнани правды ради, яко тех есть Царствие Небесное. Блажени есте, егда поносят вам, и ижденут, и рекут всяк зол глагол на вы лжуще, Мене ради. Радуйтеся и веселитесь, яко мзда ваша многа на небесех.

Хор: Сла́ва Тебе́, Го́споди, сла́ва Тебе́.

Глас 6:

Помяни нас, Господи, егда приидеши во Царствии Твоем.

Помяни нас, Владыко, егда приидеши во Царствии Твоем.

Помяни нас, Святы́й, егда приидеши во Царствии Твоем.

Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоея.

Стих: Приступите к Нему и просветитесь, и лица ваша не постыдятся. Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоея.

Слава Отцу и Сыну и Святому Духу

Лик святых Ангел и Архангел со всеми небесными силами поет Тя и глаголет: Свят, Свят, Свят Господь Саваоф, исполнь небо и земля славы Твоея.

И ныне и присно и во веки веков, аминь.

Верую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца Рожденного прежде всех век; Света от Света, Бога Истинна от Бога Истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, Глаголавшего пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

Ослаби, остави, прости Боже, прегрешения наша, вольная, и невольная, яже в слове и в деле, яже в ведении и не в ведении, яже во дни и в нощи, яже во уме и помышлении, вся нам прости, яко Благ и Человеколюбец.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш

насущенный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Кондак воскресный, глас 1, подобен: «Егда приидеши»:

Воскрёсл еси, яко Бог, из гроба во славе,/ и мир совоскрёсил еси;/ и естество человеческое яко Бога воспеваёт Тя, и смерть исчезёт;/ Адам же ликует, Владыко;/ Ева ныне от уз избавляема радуется, зовущи:// Ты еси, Иже всем подаёя, Христё, воскресение.

Слава Отцу и Сыну и Святому Духу.

Кондак русских святых, глас 3:

Днесь лик святых, в земли нашей Богу угодивших, предстоит в Церкви/ и невидимо за ны молится Богу./ Ангели с ним славословят,/ и вси святии Церкви Христовы ему спразднуют,/ о нас бо молят вси купно// Превечнаго Бога.

И ныне и присно и во веки веков. Аминь.

Кондак Богородицы, глас 6:

Предстательство христиан непостыдное,/ ходатайство ко Творцу непреложное,/ не презри грешных молений гласы,/ но предваря, яко Благая,/ на помощь нас, верно зовущих Ти;/ ускори на молитву и потщися на умоление,// предстательствующи присно, Богородице, чтущих Тя.

Господи, помилуй, 12.

Всесвятая Троице, Единосущная Державо, Нераздельное Царство, всех благих Вина, благоволи же и о мне грешнем, утверди, вразуми сердце мое, и всю мою отыми скверну, просвети мою мысль, да выну славу, пою, поклоняюся и глаголю: Един Свят, Един Господь, Иисус Христос, во славу Бога Отца, аминь.

Буди Имя Господне благословено отныне и до века, *трижды*.
Слава Отцу и Сыну и Святому Духу, и ныне и присно и во веки веков, аминь.

Псалом 33: **Благословлю** Господа на всякое время, выну хвала Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною, и вознесем имя Его вкупе. Взысках Господа и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповае на нъ. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живот, любяй дни видети блага; Удержи язык твой от зла, и устне твои, еже не глаголати лъсти. Уклонися от зла и сотвори благо, взыщи мира, и пожени и. Очи Господни на праведныя, и уши Его в молитву их. Лице же Господне на творящая злая, еже потребити от земли память их. Воззваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни едина от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси уповающии на Него.

Достойно есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Хор: Слава Отцу, и Сыну, и Святому Духу, и ныне и присно, и во веки веков, аминь.

Господи, помилуй. *Трижды*.

Господи, благослови.

Старший: Воскресый из мертвых Христос Истинный Бог наш, молитвами Пречистой Своей Матере, и всех святых, помилует и спасет нас, яко Благ и Человеколюбец.

Хор: Аминь.

